



Republic of Palau

Ministry of Health

P. O. Box 6027 Koror, Republic of Palau 96940
phone: (680) 488-2552 or 2553 fax: (680) 488-1211
email: administration@palahealth.org website: www.palahealth.org

SUBED EL MO ER A BUAI

CONTACT: Ministry of Health Public Information Officer
Tel: +680-775-1138 Fax: +680-488-1211
Email: edolem.ikerdeu@palahealth.org

October 20, 2020

ORUS (YOBO) ER A TERETER EL MO ER A RECHAD ER A UREOR, REMECHUODEL, ME TIRKE EL CHAD EL NGAR ER NGII A REKTIR

A Ministry er a Health (MOH) a mesubed er a buai el kirel a ngiul a orus (yobo) er a tereter el kesengil e ng mo er ar first responders me a rureor er a osbitar, remechuodel el okolem me a eim el mo er a bab a rekrir me a tirke el chad el ngar er ngii a rektir, el ua sukal, rektel a heart, me a kasinoma, el ulecholt er a babier er a osbitar. A tereter a kmal bekoiiuul e sebechel el osecherii a chad me a lechub e ng mo uchul a kodall, a lsekum a chad el smecher a mechitechut a bedengel. A mo sobecheklid er a tereter a bo dolai a orus (yobo) er se el belsechel er a bek el rak.

Aikakid a mo teletelel a ngiul a orus (yobo):

Tirke el mo melai a orus	Basio	Sils	Taem
Rechad el oureor er a osbitar (Healthcare workers)	Ministry of Health	Oct 27	7:30am-4:30pm
Rechad el oureor er a skozio (ARFF Officers, Airport Personnel)	ARFF Station	Oct 28	9am-5pm
Rechad el oureor er a blil a bulis (Fire, Patrol, Corrections, & CID)	Fire Department	Oct 28	9am-5pm
Rebulis er a beluu er a Oreor (Koror State Rangers)	KSG Rangers Office	Oct 28	9am-5pm
Remechuodel me a tirke el <i>NCD Patients</i> ¹	CCHC I (Koror)	Oct 29	9am-5pm
Remechuodel me tirke el <i>NCD Patients</i>	WCHC (Ngeremlengui)	Oct 29	9am-5pm

Tia el kot el ngiul a orus (yobo) a mo er tirka el mla obasech a ngklir el chad. A subed el mo er tir a mo oeak a llechukl el babier, email, me a dengua. A MOH a lmuut el mo melai aika el orus er aika el merael mei el sandei, me a subed a mo tuobed el mo ouchais er a buai el kirel a ngiul.

Kom kmal mesulang e aki olengit er a kllouerrang er a rebek el chad, e dongiil aike el merael el mei el orus (yobo). A lengar er ngii a kerim el kirel a mui el omesodel aika el orus (yobo) e momekedong er a *Immunization Program* el 488-7252/775-2898.

¹ A remechuodel a tirke el okolem me a eim a rekrir el mo er a bab. A re NCD patients a tirke el llechukl a ngklir er a babier er a osbitar.